

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

একাদশ জাতীয় সংসদ নির্বাচনে নিরঙ্কুশ বিজয় লাভ করায় জননেত্রী শেখ হাসিনাকে জাবি উপাচার্যের অভিনন্দন

জাহাঙ্গীরনগর বিশ্ববিদ্যালয়, ০১ জানুয়ারি ২০১৯।

বিজয়ের মাস ডিসেম্বরের ৩০ তারিখে অনুষ্ঠিত একাদশ জাতীয় সংসদ নির্বাচনে বাংলাদেশ আওয়ামী লীগের সভাপতি ও বঙ্গবন্ধুকন্যা জননেত্রী শেখ হাসিনা নিরঙ্কুশ বিজয় লাভ করায় তাঁকে ও তাঁর সহকর্মীবৃন্দকে আন্তরিক অভিনন্দন ও শুভেচ্ছা জানিয়েছেন জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম। বাংলাদেশের এই উৎসবমুখর মুহূর্তে উপাচার্য কৃতজ্ঞচিত্তে স্মরণ করছেন সর্বকালের সর্বশ্রেষ্ঠ বাঙালি জাতির পিতা বঙ্গবন্ধু শেখ মুজিবুর রহমান, জাতীয় চার নেতা ও মহান মুক্তিযুদ্ধে অংশগ্রহণকারী সকল বীর মুক্তিযোদ্ধাদের।

আজ এক অভিনন্দন বার্তায় উপাচার্য বলেন, ‘মহান মুক্তিযুদ্ধের চেতনা ও সর্বকালের সর্বশ্রেষ্ঠ বাঙালি, জাতির পিতা বঙ্গবন্ধু শেখ মুজিবুর রহমানের আদর্শ-ভিত্তিক দল বাংলাদেশ আওয়ামী লীগকে একাদশ সংসদ নির্বাচনে নিরঙ্কুশ বিজয় লাভ করায় বাংলাদেশ আওয়ামী লীগের সভাপতি ও উন্নয়নের রূপকার জননেত্রী শেখ হাসিনাকে জাহাঙ্গীরনগর বিশ্ববিদ্যালয়ের পক্ষ থেকে আন্তরিক ধন্যবাদ ও অভিবাদন জানাচ্ছি।’ ২০১৮ সালের ৩০ ডিসেম্বর তারিখটি বাঙালি জাতির ইতিহাসে স্বর্ণাক্ষরে লেখা থাকবে। গত দশবছর ধরে চলমান অগ্রগতি আর উন্নয়নের সুফলপ্রাপ্ত সর্বস্তরের জনগণের স্বতঃস্ফূর্ত অংশগ্রহণে অনুষ্ঠিত জাতীয় নির্বাচনে নিরঙ্কুশ বিজয় অর্জন করে টানা তৃতীয়বারের মত ও সর্বমোট চতুর্থবারের মত প্রধানমন্ত্রীর আসন অলঙ্কৃত করতে যাচ্ছেন বঙ্গবন্ধুকন্যা, ‘মানবতার জননী’-খ্যাত শেখ হাসিনা।

উপাচার্য একই সঙ্গে জননেত্রী শেখ হাসিনার নেতৃত্বাধীন জোটের প্রার্থীদের বিপুল ভোটে নির্বাচিত করার জন্য জনগণের প্রতিও কৃতজ্ঞতা প্রকাশ করেন। অভিনন্দন বার্তায় উপাচার্য আশা প্রকাশ করেন, স্বাধীনতার নেতৃত্ব দানকারী শক্তির এই বিজয়ের মাধ্যমে দেশে গণতান্ত্রিক ও উন্নয়নের ধারা অব্যাহত থাকবে। নতুন প্রজন্ম মুক্তিযুদ্ধের চেতনা ও আদর্শ সম্মুখ রেখে জননেত্রী শেখ হাসিনার নেতৃত্বে এগিয়ে নিয়ে যাবে বলে উপাচার্য আশাবাদ ব্যক্ত করেন।

উপাচার্য বলেন, ঐতিহাসিক এ বিজয় শুধু আওয়ামী লীগের একার নয়, সমগ্র বাঙালি জাতি ও বাংলাদেশে বসবাসকারী সকল ক্ষুদ্র নৃগোষ্ঠী এ বিজয়ের সমঅংশীদার।

উপাচার্য আরো প্রত্যাশা ব্যক্ত করেন, জননেত্রী শেখ হাসিনার নেতৃত্বে বাংলাদেশ ২০২২ সালের ভেতরেই ‘মধ্যম আয়ের দেশ’ অর্জনের অতীষ্ট লক্ষ্যে পৌঁছাতে সক্ষম হবে। উপাচার্য মাননীয় প্রধানমন্ত্রীর সুস্বাস্থ্য ও দীর্ঘ কর্মময় জীবন কামনা করেন।

পরিচালক (ভারপ্রাপ্ত)
জনসংযোগ অফিস